

讚頌歌

太微天帝君讚大有妙經頌一章

丹暉映雲庭紫煙光玉林煥爛七寶花璀璨
瑤靈音官商自相和妙靈開人衿玄唱種福
田廣度無界心

天帝君讚大有妙經頌一章

玄化本無跡有跡生道宗邀遊九天際息駕
六領官道暢虛漠內靈歌發太空形感至寂
庭恩詠希微通

太帝君讚大有妙經頌一章

翳翳元化初眇眇晨霞散太寂寞玄上寥朗
二儀判凝精抱空胎結化孕靈觀含真願神
內修缺啓冥旦始悟憂促齡運交及天漢

老君本生經頌一章

衆生之本際寂然無起滅弱喪迷其根自與
真源別妄作善惡緣禍福報無絕欲得苦海
傾當使愛河竭守一固專柔持此無疵缺正
智通群有妙慧推諸結萬行混同歸三乘派

殊轍真靜離塵垢清涼無惱熱

太上智慧仙玄經頌一章

靈仙乘慶霄駕龍躡玄波冷真表嘉祥濯足
八天河福應不我期故能釋天羅道德冠三
界地網亦以過感遇靈真會淨慧經蓮華

太上智慧經讚一章

學仙純華念念相因積去未亂我神神躁
靡不在滅念停虛閑蕭蕭入空寂請經若飢
渴持志如金石保子飛玄路五靈度符籍

本願大成經頌一章

學仙行為急奉戒制情心虛夷正氣居仙聖
自相尋若不信法言胡為棲山林
玉皇授歎生大洞三十九章與登龍

臺歌二章

颯颯三霞領仙剛七元蓋八景入太元飛灑
九天外瓊扉生景雲靈煙絕幽藹西宮詠洞
玄清唱扶桑際守雌森峯閨玄吟五老會歛
生有心哉與爾結中帶

其一

馳河振滄茫天津鼓萬流八風駕神霄緬緬

虛中遊詠洞神明唱音為汝玄投歎生必至
行財伏塵中趨可為苦心哉當告爾所求

其二

西王母授紫度炎光神變經頌三篇

隋歌九玄臺崖嶺凝淒端心理六覺暢目奔
塵滓氣流義權金室虛堂散重玄積感致靈
降形單道亦分條欲盼萬劫豈覺周億椿

其一

秀圃蔚神階朱扉瓊林庭流風鼓空洞玉籍
乘虛鳴紫烟纏曲戶丹暉映綠軒飛旌齋玄
蓋羽飾耀紫清登景九霄際遠遊戲鳳城顧
愛幽境子一樂同朝生

其二

騰轡控朗暉宴洞野外流浪尋雲入合形
慶霄際手披朱馬戶朗若神冲泰金闕鬱差
我清景無塵穢解衿玄閣臺適我良願會脫
履三塗難保鍊固年邁

其三

靈寶真一自然太上玄一真人頌一章

衆妙出洞真煥爛耀太清奉者號仙人體無
永長生道遠戲玄虛官殿羅無形蒨聚七寶
林晃朗日月精龍鱗交橫馳鳳皇翔悲鳴太
上治紫臺衆真誦洞經捻香稽首禮旋行遶
宮城三周崑高座道王為應聲人主弘至道
天下普安寧

太上弘道頌一章

太上玄虛宗弘道尊其絳俯仰已得仙歷劫
無數齡巍巍太真德寂寂因無生實景結空
構乘虛自然征日月光炳灼安和樂未央

方諸宮東華上房靈妃歌曲一章

紫桂植瑤園朱華聲悽悽月官生紫淵日中
有瓊池左拔負靈曜右掣丹霞暉流金煥絳
庭八景絕煙迴綠蓋浮明朗控節命太微鳳
精童草頰琳腴充長飢控晨挹太素乘欲翔
玉墀吐納六虛氣玉壙挹中隨彈徵南雲扇
香風鼓錦披叩商百獸舞六天攝神威儵歛
億萬椿齡紀籥魏魏小鮮木草鼎言我巖下
悲

青童大君常吟詠一章

欲植滅度根當拔生死我沈吟墮九泉但坐
惜形骸

太虛真人常吟詠一章

觀神義形時亦如車從馬車敗馬奔亡牽連
一時假哀世但識此但是惜風火種罪天網
上受毒地獄下

西城真人王君常吟詠一章

形為渡神舟泊岸當別去形非神常宅神非
形常載徘徊生死輪但苦心猶豫

小有真人王君常吟詠一章

失道從死津三魂迷生道生生日已遠死死
日已早悲哉苦痛客根華已顛倒起就零落
塵焉知反枯老

已上四首詩去月秋分日瑤臺大會四
君吟此言以和玄鈞廣韶之絃贊右英

夫人說此

郭四朝常乘小船游戲塘中叩船而

歌四首

清池帶靈岫長林鬱青蔥玄鳥翔幽野悟言
出從容鼓檝乘神波稽首希晨風未獲解脫

期道遙丘林中晨風謂上清玉晨之風非毛
詩所稱鶴彼晨風之鳥也

其一

浪神九陔外研道遂全真載此靈鳳羽蔽我
華龍鱗高舉方寸物萬吹皆垢塵顧哀朝生
唼孰盡汝車輪女籠不蔽席男愛不盡輪朝
生時婚也以喻人之在世易致消歇

其二

遊空落非飄靈步無形方圓景煥明霞九鳳
唱朝陽揮扇扇天津曉鶴慶雲翔遂造太微
宇挹此金黎椽道遠玄陔表不存亦不亡玄
陔九陔也皆八極之外九霞之頂名也飛登
本星亦云朝東陽之陔故若士語虛教云與
汗漫期於九陔之上也

其三

駕欲舞神霄披霞帶九日高皇齊龍輪遂造
北華室神虎洞瓊林風雲合成一開闔幽冥
戶靈變玄跡滅四朝為玉臺執蓋即故云高
皇齊輪

其四

保命仙君告許虎牙杜廣平常喜歡

一章并契字廣平隱居華陽

溥景騎廣林暖日東霞升展風爵六烟勃鬱
八道騰五嶽何必秀名山亦足陵矯首躡洞
阜棲心潛中興吐納胎精氣玄白誰能勝

西王母宴漢武帝上元夫人瑋雲林
之歌歌步虛之曲一章

昔涉玄真道騰步登太霞負笈遠天關借問
太上家忽過紫微垣真人列如麻淥景清颯
起雲蓋映朱葩蘭宮啟珠扇碧空啓瓊沙丹
臺結空構睥睨生光華飛鳳蹀躞峙燭龍倚
逶蛇玉胎來絳芝九色紛相挈挈景練仙骸
萬劫方量牙誰有壽前終扶桑不為查

西王母又命侍女四妃答歌一章

晨登太靈宮挹此八王蘭夕入玄元闕採藥
撥琅玕濯足匏瓜河織女立津盤吐納挹景
雲味之當一餐紫微何濟濟瓊輪服朱丹且
發汗漫府暮宿向陳垣去之道不同且各體
所安二儀復猶存奚疑億萬格莫與世人說
行尸言此難

王母贈魏夫人歌一章并序

夫人既白日昇晨在王屋山時九微元君龜
山王母三元夫人雙禮珠紫陽左仙石路成
太極高仙伯延蓋公子西成真人王方平太
虛真人南嶽赤松子桐栢真人王子喬等並
降夫人小有清虛上官絳房之中時夫人與
王君為賓主焉設瓊酥綠酒金觴四奏各命
侍女陳曲成之鈞於是王母擊節而歌
駕我八景與欻然入玉清龍裙拂霄漢虎旂
攝朱兵逍遙玄津際萬流無暫停哀此去留
會劫盡天地傾當盡無中景不死亦無生體
彼自然道寂觀合太冥南嶽挺真翰玉映曜
穎精有任靡期事虛心自愛靈嘉會絳河內
相與樂未央

雙禮珠彈雲歌而答歌一章

玉清出九天神館飛霞外霄臺瑤室我靈夏
秀蔚翳五雲興翠華八風扇綠氣仰吟消魔
詠俯研智與慧萬真啓晨景唱期絳房會提
穎德音子神映乃拂沛天獻凌空構洞室深
幽邃遊海悟并隘履真覺世穢憚輪宴重空

筌魚自然廢迴我大椿羅長謝朝生世

高仙盼遊洞靈之曲一章并序

玉皇又命欲生入隱室見上清元君龜山君
於是二真乃各命侍女王廷賢于廣運等彈
雲林琅玕之歌侍女安德音范四珠擊昆明
之筑侍女左抱容驊能賓吹鳳鸞之蕭侍女
趙運子李慶玉拊流金之石侍女辛白鶴鄭
辟方燕婉來田雙連等四人合歌
玉室煥東霞紫輦浮絳晨華臺何盼目北冥
飛天元清淨太無中眇眇躡景遷吟詠大洞
章唱此三九篇曲寢大漠內神王方寸間寂
室思靈暉何事苦山林須臾變衰翁迴為孩
中顏

四真人降魏夫人歌共五章并序

四真人降魏夫人靜室教神真之道授黃庭
等經因設酒餚四真吟唱太極真人先命北
宗主女宋融消彈九氣之歌方諸青童又命
東華玉女燕景珠擊西盈之鍾扶桑陽谷神
王又命雲林玉女賈屈庭吹鳳唳之蕭清虛
真人又命飛玄玉女鮮于靈金拊九合玉節

於是太極真人發飛空之歌一章

丹明煥上清八風鼓太霞迴我神霄輦連造
玉嶺阿吐嗟天地外九圍皆吾家上採日中
精下飲黃月華靈觀空無中鵬路無間邪顧
見觀賢交濁氣傷爾和勤研玄中思道成更
相過

方諸青童歌一章

太霞扇晨暉九氣無常形玄轡飛霄外八景
乘高清手把玉皇袂携我晨中生盼觀七曜
房朗明亦冥冥起裁魏氏子有心復有情玄
挺自嘉會金書東華名賢安容所研相期賜
谷沂

次扶桑神王歌一章

晨啓太帝室超越號瓜水碧海飛翠波連岑
赤嶽峙浮輪雲濤際九龍同響起虎旂鸞霞
津靈風翻然理華存久樂道遂致高神擬拔
徒三緣外感會乃方始相期陽洛宮道成携
魏子

次清虛真人歌二章

駕欵控清虛徘徊西華館瓊林既神杪虎旂

連煙散慧風振丹旂明燭朗八煥解襟庸房
裏神鈴鳴倩繁樓景若林柯九絃玄中彈遺
我積世憂釋此千年歎怡盼無極已終夜復
待旦

其一

紫霞繡玄空神風無網領欵然滿八區祝爾
豁虛靜八窓無常朗有冥亦有足洞觀三丹
田寂寂生形景凝神挺相遇雲岑卓鏗整愧
無罪石運蓋彼自然穎勤密攝生道泄替結
災音靈期自有時携袂乃俱上

其二

人間可哀之曲一章并序

太子文學陸鴻漸撰武夷山記云武夷君地
官也相傳每於八月十五日大會村人於武
夷山上置幔亭化虹橋通山下村人既往是
日太極玉皇太姥魏真人武夷君三座空中
告呼村人為曾孫汝等若男若女時坐乃命
鼓師張安凌槌鼓林建趙元胡拍副鼓劉小
禽吹茶鼓曾少童擺兆鼓高知滿振嘈鼓高
子春持短鼓管師鮑公希吹橫笛板師何鳳

兜撫節板次命絃師董嬌娘彈箏侯謝英妃
撫掌高舞呂阿香愛圓腹毘管師黃次姑噪
悲慄秀瑛鳴洞蕭小娥運居巢姓金師羅
妙容揮撥銚乃命行酒須臾酒至云酒
無謝又命行酒乃命歌師彭令昭唱人間可
哀之曲其詞曰

天上人間會合疎稀日落西山夕鳥歸飛
百年一餉兮志與願遠天宮咫尺兮恨不相
隨

巴謠一章并序

秦始皇三十一年九月庚子茅盈葛祖濛於
華山之中乘雲駕鶴白日昇天先是時有巴
謠歌曰

神仙得者茅初成駕龍上昇入太清時下玄
洲戲赤城繼世而往在我盈帝若學之騰嘉
平

楊羲真人夢蓬萊仙公洛廣休召四

人各賦詩一章

石安慶先作詩一章

靈山造太霞堅巖絕霄峯紫煙散神州乘風

駕白龍相攜四宿人東朝暮林公廣休年雖
前此氣何蒙蒙實未下路讓推羊以相崇

次張謗世作詩一章

北遊太漠外未登蓬萊關紫雲樓靈官香煙
何鬱鬱美哉洛廣休人在論道位羅駢真人
座齊觀白龍邁離式四人用何時共解帶有
懷故襟友欣欣高長會

次許玉斧作詩一章

遊觀奇山嶽漱濯滄流清遶觀蓬萊間吃吃
衝霄冥五芝被絳蟲四階植琳瑯紛紛靈華
散晃晃煥神庭從容七覺外任我攝天生自
足方寸裏何用白龍祭

次丁璉寧作詩一章

玄山構滄浪金房映靈軒洛公挺奇尚從容
有無間形說北塞宇三神接九天同寮相率
往推我高勝年弱冠石慶安未肯崇尊賢朝
笑蓬萊公呼此廣休前明公將何以却此少
羊翰

吳王夫差書一章并序

天文五符云仙人樂脩門於勞威山上刻石

作五符文

玄津流絳波崑崙映琅山朝日控晨輝奮靈
何婉婉遊雲落太陽颯景凌三天靈寶曜九
虛幽明鍾山間夏禹登八極散氣響金蘭因
枝振玉條綠波討洪源扶質立靈輪垂葉以
結紫渺遊龍鳳跡煥爛九天輪仰把三辰精
保身永長安俯漱五華液還復反童顏騰神
溫涼宮宜知熱與寒千秋似清旦萬歲猶日
半鼓翼空洞上要我靈寶官焚券五帝駕俱
會景漢端相問飢與渴玄泉饒流丹永仙方
寸內八遐無易難願聞來門臬當塗中有難
銘碼勞兼陰穴岫可稽盤

辛玄子詩三首并序

玄子字廷期隴西定谷人也漢明帝時諫議
大夫上洛雲中趙國三郡太守辛隱之子也
玄子少好至道遵奉法戒先世殃流享年不
永沒命於長津西王母見我苦行鄧都北帝
懸我道心告勅司命傳檄三官攝取形骸還
魂復真使我願胎位為靈神近得度名高宮
定策朱陵藏精待時方列為仙而太帝今見

差領東海侯氏更生又選補禁元中郎符具

越鬼神之司故來相從今贈詩三篇以叙推
情之至也注云揚君既為共趣司命董純鬼
神玄子職赫方應相關故先述此詩陳情
晴音入冥鄉順駕應靈招神隨空無散氣與
慶雲涌形非明玉質玄匠安能彫蹠足吟幽
唱仰手說鳴條林室有逸歡絕此軒外交遺
景附圓曜嘉音何寥寥此篇敘事述之本志也

其一

寂通寄典感玄氣攝動音高輪雖參差萬刃
故來尋蕭蕭研道子合神契靈襟垂順浪世
化心操窈窕林同期理外遊相與靜東本此
篇中情寄之未錄也

其二

命駕廣鄧門逸跡幽冥鄉空中自有物有中
亦無常悟言有無際相與會濛濛目擊玄解
了鬼神理自忘此篇論人鬼之出致也

其三

雲笈七籤卷之九十六